

ОРГАНИЗОВАНДАМС КОЛХОЗНАЙ ОДЛОМАТ ТНЕНЬ ЙОТКСА СОРЕВНОВАНИЯТЬ

Нона кизотнень коряс тядде тундань видекас йотась ошю сатфкса. Тундань видекас Мордовияса пятай сембе райоттнень эзга йотась сяда ошю техничеський уровеньна нона кизотнень коряс. Чистосортнай видьмоса видекас, яровизациясь, нюрхкяня пингста видекастнень аделамасна — сембось тя служай Сталинский урожаень сатомати.

Аш кода аф азомс, што тядденъ кизотъ тунданъ видекаста келиста ульсь вишкотьф соцсоревнованиясь. Колхознай паксыса соцсоревнованиять вишкотьеманц эса виднай васта зайнясь одломанень армиясь. Колхознай одломатне — Советский Союзть од патриотонза тунданъ видека кампанииса няфтезь эсь самоотверженностьснон и преданностьснон социалистический трудти. Изрь колхознай одломанць содасы, што колхознай урожайсь — тя народнай богатства. Мордовияса лама райоттнень эзга комсомолечне, одломанень звенатне, башка одломатне кярмодсть сталинский урожайень сатомат инкса стахановский движения. Тунданъ видекаст пингста колхознай одломатне и колхознай комсомольский организациятне няфть самоотверженной стахановский работань блестящей примерхт и трудовой подлинной энтузиазма, конат кеподезь социалистический соревнованиять ВЛКСМ-ть 20 кизонь ознаменованиянцы.

Рыбкинань районца, Мамолаева велеса комсомолец Н. П. Булавкин ялгась тунданъ видекаст пингста работась сеялкаса севачекс. Сон 4,5 гектарть васте видендсь сменати 10,5 гектархт. Тякажа велеста комсомолец Иван Булавкинць, Тимофей Кечинць Григорий Тяпкинь 1,5 гектарть васте соксесть 2,5 гектархт.

Тяфтама ялгада республикаса аф иржа, конат пшксет горячай желаниясь пшккодес сталинский заданиять 7—8 миллиардт пуд кшить сатоманц инкса. И колхознай комсомолть почетнай ролец ащи сян эса, што сон должен подхватывать работаса одломатнень инициативаснон, аф юкснемс синь колгаст заботать, воспитандамс и календамс синь трудса, няфнемок синь показательснон илядыхненди, келептемок тянь вельде одломатнень йоткса соцсоревнованиять. Аньцек трудть эса можна воспитандамс колхознай одломатнень эзда трудонь действительнай геройхт, конат

беспредельна преданнайхт Ленинонь — Сталинонь партияти и эсь родинаснонды, конат аф пелихть кодамовок трудностьта, конат анокт любой минутаста грудью арелямс эсь родинанц врагть нападениянц эзда и кда эряви максомс эсь эряфонц счастливый социалистический родинанц инкса.

Однако, ВЛКСМ-нь аф сембе райкомтне шарфнихть сатомшка мяль колхознай одломатнень йоткса стахановский движениять сяда товолдонь келептеманцы. ВЛКСМ-нь краснослободский комсомолонь райкомсь тячемс аф содасыне районца од стахановечнень, аф содасыне кода пшкотькшнесь ВЛКСМ-ть 20 кизонь ознаменованиянцы сывф эсь обязательстваснон одломатне и комсомолечне. Тяфтама положениясь Рузаевкань, Вертелимонь и лия райоттнень эса.

Аф эряви юкснемс, што одломатнень социалистический строительства активнай участиясна — тя основнонь одломатнень воспитанияснонды. Трудсь честень, доблестень и геройствань тев. Урожаень урядамати илядсь аф лама пинкта. Колхознай комсомольский организациятне должетт по-большевистски анокламс важнейшай тя кампании.

Урожаень урядама работась путни колхознай комсомольский организациятнень инголи од задат: вишкотьемс одломатнень йоткса социалистический соревнованиянь волнать, перенести козя опытть, урожаень урядама работань анокламати, конац получаф тунданъ видекаст пингста.

ВЛКСМ-ть 20 кизонь ознаменованиянцы одломанень социалистический соревнованиясь должен касомс шидашис, конац фатяльхень ба сембе комсомолечнень и одломатнень.

ВЛКСМ-нь обкомсь ВЛКСМ-нь ЦК-ть указаниянзон соответствиаснон коряс учредил Ленинский комсомолть 20 кизонь ознаменованиянцы „Почетонь доска“. Тя доскати улихть занесенайхт лучшай колхознай комсомольский организациятне, башка комсомолечне и аф союзнай одломатне, комбайнерхне и трактористтне, бригадирхне и звеньевоттне.

Комсомольский организациятне должетт гордиться сян мархта, кда синь комсомольский организациястот ули занесенай комсомолец али афсоюзнай одломань „Почетонь доскати“.

Июнь ковть 8-це шистонза Мордовский АССР-нь ЦИК-ть вехксоце сессияц

1938 кизоня июнь ковть 8-це шистонза 10 частса шовдава Саранск ошень ЦИК-ть помещенияса панжевсь Мордовский АССР-нь ЦИК-ть IX-це сессияц.

Шинь повесткась:

Мордовский АССР-нь 1937 кизонь бюджетть исполнениянц колга отчет и 1938 кизонь бюджетть утвержденияц.

РСФСР-нь и МАССР-нь Верховнай Советтненди кочкамати анокламать молеманц колга.

Сессиять работасонза участиянь примама приглашандакшневсть сембе наркомтне и республиканский учреждениянь руководителхне.

ЦИК-ть президиумоц.



И. А. Кузнецов ялгась — ВКП(б)-нь Мордовский обкомть секретаренц обязанностензон исполняйц — зарегистрировандаф Мордовский АССР-нь Верховнай Совету депутатонди кандидаткс Зыковский избирательнай округть эзга.

ВКП(б)-нь МОРДОВСКИЙ ОБКОМТЬ VII-це ПЛЕНУМОЦ

Июнь 6—7 шинзон ульсь ВКП(б)-нь Мордовский обкомть VII-це пленумоц.

Пленумсь ванць тяфтама кизефкст:

РСФСР-нь и МАССР-нь Верховнай Советтненди кочкаматненди анокламать молеманц колга.

Мясопоставкатнень пшккодemasнон молемаснон колга кулхонфт — ВКП(б)-нь Ковылкинский райкомть и Пурдошанский райкомть секретарьснон докладсна.

ВКП(б)-нь Мордовский обкомть отчетнай докладонц кемокстаманц колга.

Организационнай кизефкст.

Сембе кизефкснень коряс примафт соответствующай постановления.

Советский Союзонь геройхне П. П. Ширшов и Е. К. Федоров ялгатне примафт ВКП(б)-нь членкс

Мрдамок дрейфующай эйть вления ВКП(б)-нь членкс йотафтолангста Москву, Советский Союзонь геройхне П. П. Ширшов и

Е. К. Федоров ялгатне макссть заявления сян колга, штоба примамс синь ВКП(б)-нь ряттненди. Советский Союзонь геройсь Э. Т. Кренкель ялгась, улемок инголи кандидаткс, макссь зая-

вления ВКП(б)-нь членкс йотафтоманц колга. ВКП(б)-нь Центральной Комитетсь, ваномок ня заявлениятнень, постановил Э. Т. Кренкель, П. П. Ширшов и Е. К. Федоров ялгатнень примамс ВКП(б)-нь членкс. („Правда“ июнь 4-це шистонза 38 киз).

КОМСОМОЛЬСКИЙ ЭРЯФСЬ

Пропагандисттень мархта работать колга

ВЛКСМ-нь райкомонь политучебань отделонь заведующаень, райкомонь инструкторонь и пропагандистонь совещаниясь няфтезе, што пропагандистский работась республиканский комсомольский организациясь ладяф неудовлетворительнайста.

Ламоц ВЛКСМ-нь райкомонь секретархне юкснесазь ВКП(б)-нь ЦК-ть указаниязон сянь колга, што пропагандистсь политшколаса и кружокнень эса кирди пяк оцю роль комсомолешнень и афсоюзной одломаттнень политически воспитаниясь.

Тяфта жа пропагандисттне, конат работайхть комсомольский политшколаса, эсь калдяв содамышиснон сюнеда максихть калдяв воспитания кода комсомолешненьди, а станя жа и афсоюзной одломаттненьди.

Тя кржа содамышись лисенди и сяс, што синь мархтост аф йотафневихть семинархт.

Рыбинский районца семинархне йотафневихть аф регулярнайста, калдяв посещаемость мархта.

ВЛКСМ-нь Рыбинский райкомонь политучебань отделонь заведующайсь Шлыгинць, тячимс аф содасыне мзяра районца пропагандистта, райкомонь секретарсь Чалдаевсь сонсь, кода пропагандист риковский организациясь, фкявок занятия ашезь йотафта.

Тяфта жа калдяв пропагандистский работась Ардатовский, Кадош-кинский и Лямбирский ВЛКСМ-нь райкомтнень эса.

Кда сямомс Саранск ошень ВЛКСМ-нь горкомть, Краснослободский и Ст-Синдровский райкомтнень, пропагандистский работась ладяф сядонга калдявста.

Нят сембе афсатыкснень ВЛКСМ-нь райкомтнень эрявихть куроконь пингть машфтомс.

Эряви ладямс большевистский порядок семинархнень йотафнемася и пропагандисттнень работасост.

Горкомти, райкомтненьди и первичнай комитеттненьди эряви ладямс ВКП(б)-нь историянь тонафнемань кружокнень, комсомольский начальнай политшколатнень работаснон и стак тов.

Комсомольский пропагандистонь семинархнень задачасна ашихть сянь эса, штоба пропагандисттнень мархта аккуратна йотафнемс ин-структивной занятия.

Семинархнень эзга лац тонафнемс ВКП(б)-ть историянь, нят пропагандисттнень мархта, конат руководят ВКП(б)-нь историянь тонафнемаса кружокнень эса. Тяда

башка мархтост тонафнемс Ленинонь—Сталинонь произведенияснон и СССР-нь нароттнень историяснон 8-це главати модемс (включительна) шестаковть учебниконц коряс.

Комсомольский начальнай школань пропагандисттнень мархта организовандамс ВКП(б)-нь историянь тонафнемань кружок и семинарса эряви синь тонафнемс книгать мархта работама.

Семинархнень йотафнемасост тиёмс тяфтама порядок:

Городса занятиянь йотафнемс 3 ковти весть. Тиендемс регулярнай консультацият пропагандисттнень мархта, а остатка пингста тиендемс лекцият ВКП(б)-нь историянь колга и отвечандакшнемс кулхондыхнень кизефксонды.

Велетнень эзга ковти весть шинь кувалма тиендемс пропагандисттнень мархта консультацият райцентраса.

Шить васеньце пилестонза (4 част) должнь йотафтомс беседа пропагандисттнень работань опытснон колга, стак тов. Шить омбоце пилестонза должнь тиёмс лекция ВКП(б)-нь историянь колга. Семинаронь руководителкс кочкамс инь цебяр, провереннай и подготовленной пропагандистт, конатнень ули опытсна тя работась эса.

Семинаронь руководителхне должетт утверждаться ВКП(б)-нь горкомть и райкомтнень бюроса, а слушателень составсь должень утверждаться ВЛКСМ-нь райкомтнень бюросост.

Сембе пропагандисттне должетт улемс охваченайхть консультациясь, кода групповойсь, а тяфта жа индивидуальна.

Консультациятне должетт йотнемс партийнай кабинеттнень эса. Эрь пропагандистт должетт улемс эсь консультантонза, конанц сон консультирует, синь проверять кода аноклакшнихть эсь занятиязост.

Тяда башка горкомсь и райкомтне должетт йотафнемс кафта ковти весть пропагандистонь совещаният, ВКП(б)-нь историясь кружокнень и политграмотаса школатнень работань содержанияснон колга.

Систематически организовывать пропагандисттнень докладт международнай и внутренней положеният колга и лекцият Ленинонь—Сталинонь произведенияснон колга.

ВЛКСМ-нь обкомть крестьянский одломанень отделонь заведующайсь С. ЛЕВИН.

Пионерхне сувайхть комсомолонь ряттненьди

Иса-Пря велень средняя школаса комсомольский организациясь жармась касома преданнай и достойнай одломаттнень эзда.

А сембода оцю мялса сувайхть пионерхне, например, Рахматушинць, Сандинць, Черепкинась и лиятне.

Нят ученикне тонафнихть аньцек цебяр и отличнай отметка мархта.

Кудашкин.

Инсарань район.

СУВАЙХТЬ КОМСОМОЛУ


Самодуровка велеса васенда калдявста ульсь ладяф комсомольский организацият работат.

Тяни тевсь арась йофси илякс. Комсомольский организациясь жармась вятена политико-воспитательнай работа афсоюзной одломат-


тнень йоткса. Тяда меле одломаттне ушедсть сувама комсомолонь ряттненьди и кемоста кярьмодсть комсомольский работати.

Ковылкинань район.

М. Аношкин.



Л. С. Кузнецов ялгась—ВЛКСМ-нь Мордовский обкомть секретарец, регистрировандаф Мордовский АССР-нь Верховнай Советонь депутатонди кандидаткс Апраксинский избирательнай округть эзга.



Н. У. Байчури ялгась—Кадош-кинский районца Латышевца велень „Ленинче“ колхозонь председателсь регистрировандаф Мордовский АССР-нь Верховнай Совету депутатонди кандидаткс Латышевский избирательнай округть эзга.

Максса эсь вайгялезень коммунистонь и беспартийнайнь блокть инкса

Мон ВЛКСМ-нь членан. Работан Рузаевкань ДЕПО-са слесарькс. Эсь работазень пяхкотькшнеса нормада вельфи цебярь качества мархта. Тянка каньян стахановецонь почетнай лем. Азондан оцю спасибо большевистский партияти и сонь вожденцы **Сталин** ялгати цебяр, радостнай эряфть максоманц инкса. Кулемок, што **Сталин** ялгась и сонь лучшей соратниконза максеть согласия баллотировандамс МАССР-нь Верховнай Совету депутаткс, мон пяк кенярдень.

Мон тя честть максоманц инкса карман работама нинге сядонга цебярста.

Июнь 26-це шистонза, выборонь-шиста, мон максса эсь вайгялезень **Сталин** ялгати фкя инь лучшей соратниконц — **Молотов** ялгати инкса, конац максеть согласия баллотировандамс МАССР-нь Верховнай Совету депутаткс Рузаевский избирательнай округть эзга.

Лазарь Кожин.

Рузаевка ош.

Избирательнай кампаниять юкстазь

Июнь ковь 26-це шистонза ушедьхть выборхне РСФСР-нь и МАССР-нь Верховнай Советтненьди. Комсомольский организациятнень и агитаторхнень инголе ащи задача—по-большевистски вятемс резьянительнай и агитационнай работа избирательхнень йоткса, штоба ня выборхнень йотафтомс станя жа цебярста, кода йотасть СССР-нь Верховнай Совету выборхне.

Лама комсомольский организацият и агитаторхт кемоста кярьмодсть тя тевти.

Но илякс ащи тевсь Од-Потьма велеса. Тяса тяниень пингти самс выборхненьди анокламань тевса аф вятети кодамовок работа. Из-

бирательхнень йоткса нинге вестенге ашесть йотафта фкявок занятия и беседа РСФСР-нь и МАССР-нь Конституциятнень и избирательнай закоттнень колга.

Первичнай комсомольский организациясь (комсоргсь Вишняков) тя оцю и ответственной тевть йофси юкстазе. Комсомолешнень йоткса политзанятият тожа аф йотафневихть, мезень сюнеда мянь синьць комсомолешневок аф содасазь избирательнай закоттнень.

Избирательхне надияхть, што синь йотксост ушедьхть тонафнемост выборхнень колга закоттнень.

И. Д.

Рыбинань район.

Куроконя кярьмодемс тевти

Штоба цебярста йотафтомс РСФСР-нь и МАССР-нь Верховнай Советтненьди выборхнень, агитаторхне вятихть агитационно-массовой работа избирательхнень йоткса.

Но илякс ащи тевсь Сире-Теризморга велеса. Агитаторхне тячемс ашесть йотафта фкявок беседа РСФСР-нь и МАССР-нь Верховнай

Советтненьди кочкаматнень колга Положениятнень тонафнемасост. Выборхненьди анокламань эзда аердсь и велень советскя.

Избирательхне учихть, мзярда теест кармаихть тонафнемост избирательнай закоттнень.

И. В.

Шайговань р-н.

Тонафнесазь избирательнай законтъ

Сире-Шайговань школаса лац ладяф избирательнай законтъ тонафнемац.

Ученикнень йоткса организованай РСФСР-нь и МАССР-нь Верховнай Совету Положениятнень тонафнемасна. Ученикне цебярста тонадозь Сталинский Конституцият и избирательнай законтнень.

Избирательнай законтне тонафневихть колхозникнень йотксовок. Колхозникне аккуратнайста якайхть занятиясь, цебярста тонаткшнесазь материалть, конанц синь кулхонкшнесазь кружокнень эса.

Ф. Морозкин.

Шайговань район.



В. М. Чукланов ялгась— „Смычка“ колхозгь председателец регистрировандаф РСФСР-нь Верховнай Совету депутатонди кандидатк Ардатовский избирательнай округгь эзга.



Снимка: И. Н. Куприянов ялгась, МАССР-нь Совнаркомгь председателец заместителец, регистрировандаф РСФСР-нь Верховнай Совету депутатонди кандидатк 674-це Атяшевский избирательнай округгь эзга.

Стахановедсь избирательнай участкань член

Чамзинкань „Борьба за социализм“ колхозса колхозниксь Козловсь тундань видемать ушedomок эсь работасонза няфни оцю показательхть.

Козловсь работась плугарькс, жоса норманц пшкотькшнесы 200 и 230%.

Тяда башка колхозникнень йоткса сон вяти агитационнай работа,

примоси активнай участия РСФСР-нь и МАССР-нь Верховнай Советтненьди анокламать эса.

Тяни Козловсь кода инь цебяр агитатор, стахановец, кочкаф участковой избирательнай комиссиянь членкс.

Симдянов.

Чамзинкань р-н.

Якстерь Армиять рядонзон эса

Якстерь Армиясь—од боецненьди воспитательнай школа. Якстерь Армиянь ряттнень эса боецсь получакшни всесторонний развития: и физический, и идеологический и политический.

Якстерь Армияса йотафневи политический повседневной работа боецнень йоткса, йотафневихть политзанятия, коса тонафневи СССР-нь нароттнень историясна, ВКП(б)-ть историянь, текущей политикись и стак тов.

Тяни Якстерь Армиянь боецне,

политработникне и командирхне аноклайхть Союзной и Автономной республикань совету выборхненди.

Мон, кода и СССР-нь сембе трудящайхне карман голосовандама коммунистонь и беспартийнайнь Сталинский блокть инкса, странать сембодонга цебяр стирензон, цюранзон инкса.

ДВК

Отделеннай командирсь

А. З. Егоров.

Аттестациясь йотась кальдявста

Аф кунара Рыбкинский районца йотась учителень аттестациясь, конац няфтезе сянь, што РОНО-сь учительхнень йоткса тя тевть организовандазе кальдявста. Районца лама учительхть ашеть получа аттестатт, сяс мес синь йофси ашеть анокла аттестацияти.

Например, Рыбкинань начальнай школань учительницась Четверговась, аттестациятнень пингста ашезь отвеча политический фкявок кизефксонь каршес.

Начальнай школань учительницась Журавлевась йофси аф сода-сыне РСФСР-нь и МАССР-нь

Конституциятнень и избирательнай закоттнень.

Журавлева ялгать ответонц коряс СССР-нь Верховнай Советса лувондови мянь кемгафтува палата.

Тя фактне корхтайхть сянь колга, што Рыбкинань РОНО-сь тевонцты относится пяк холатнайста. Тя пингсти самс ашезе шарьжкодь нят аттестациятнень значенняснон школьной тевса.

Рыбкинань район.

М. Шлыгин.

Йотафтсь совещания

Май ковста ВКП(б)-нь Рыбкинань райкомсь и районнай газетань редакциясь йотафтсь велькоронь и стенгазетань редакторнь совещания. Тя совещаниять выставкаса ульсть 27 колхознай стенгазетат.

Стенгазетань 27 редакторхнень эзда 5 редакторхт цебяр газетань

новляманкса получасть районнай премия.

Тя совещанияса редакторхне эсь отчетснон аделамода меле кемоктасть соцоговорхт, штоба нинге сяда цебяргафтомс колхознай газетатнень качестваснон.

Я. Пинясов.

Рыбкинань р-н.

Отличник

М.-Козловский средняя школаса Федякин учениксь сембе предметнень коряс тонафнема кизоть пингста тонафнесь отличнайста.

Коде Федякинсь сатнезень отличнай отметкатнень? Ответсь пяк шарьжкодеви. Сон отличнай огметкатнень сатнезень тонафнемань упорнай работать вельде. Рациональнайста использовандакшнеше тонафнемань эсь пингонц, морафнесь лама дополнительной материал. И сембодонга главнайсь ся, што сонь тонафнема сонза лездькс ашесь соцсоревнованиясь, пераса сьорматф сонь валонц, конань пшкотькшнеманц инкса сон путнезе сембе виенц.

Федякинсь испытаниятнень васьфтезень сембе ширде аноклафста и, аш месь корхтамска сянь колга, што сон испытаниятнень пингста максы цебяр отметкат.

К. Ф.

Атюрьевань р-н

ПВХО-нь „ЗНАЧКИСТТ“

Кулдым велень НСШ-са 1938 кизоть пингста лама ученикт „максозь“ ПВХО-нь значекти норматнень.

Коде йотафтф тя тевсь.

Май ковста школав якась рай-ОСО-нь Советть председателец Свищевсь. Сон кой-кона ученикненьди максессь кизефкст, конат эрявихть содамс ПВХО-нь значкисттненьди. Сембе ответне ульсть аф видет.

Мес тяфта лисенди тевсь? А сяс мес значкистонь анокламати ОСО-нь кружоконь руководителсь подошел формально, ашезень анокла слушательхнень, штоба синь содалезь цебярняста сят знаниятнень, конат сувихть ПВХО-нь значоконь норматненьди.

Пионер-значкист.

Вертелимонь р-н.

Драмкружокть работац

Сире-Шайговань средняя школаса лац работай драмкружоксь. Тундань видемать пингста кружковещне колхозникненьди путнеть постановкат и синь йотксост тиендсть беседат.

Аф кунара драмкружоксь путнесь пьеса „Лентяй“, конань колхозникне ванозь пяк оцю интереса.

Постановкада меле выступал физкружоксь и хоркружоксь. Синь няфтсть физкультурнай всякай номерхт.

Тяни ученикне сясвь эсь лангозост обязательства, штоба сяда лац йотафтомс кочкама кампаниять сьора урядама пингста.

Ф. Морозкин.

Шайговань район.

Физкультурнай работась юкстаф

Чамзинский средняя школаса лувондови 850 ученик, конатнень эзда ламонц улихть мяльсна примамс участия физкультурнай тевса. Но кальдяв ся, што синь йотксост тячемс ашеть йотафта кодамовок работа.

Ученикне энялькшнеть директори Скобалеви, штоба сон рамаль теест физкультурнай койкодама инвентарь. Но директорсь тянь шири аф шарфни кодамовок мяль.

Ученикне учихть лезкс РОНО-ть ширде.

М. Симдянов.

Чамзинкань район.

Библиотекась эряй пякстафста

Болду велеса ули библиотека, коса библиотекарькс работай Парваткинсь.

Тя библиотекаса аф кржа цебяр литературада. Ученикнень и колхозникнень ули оцю мяльсна морафнемс литературат, но библиотекась эрь шиня эрьси пякстафста.

Мзярда ученикне анайхть Парваткинть кядьста книгат, то Парваткинсь нят кизефксенди отвечакшни, што сонь аш пингоц мяк книгань максомс.

Ученикне и колхозникне учихть мзярда кармай работама библиотекась.

Отличник.

Рузаевкань р-н.



СНИМКА: Саранскяень фельдшерско-акушерский школань „Медик“ физкультурнай кружоконь четтнень выступлениясна физкультурникнень парадост.

Фотось Г. Барановть.

Вельф пшкотькшнесазь работань эсь нормаснон

Ежка велень „Валда-ян“ колхоз-ть 4-це № бригадас колхозникне Немовсь, Лашновсь, Капковсь и Аданькинць сембе колхозникнеди эсь тевсост няфнихть пример, кода эряви работамс.

Синь работась сеяльщикокс. Эсь работаснон пшкотькшнезь цебарь качества мархта нормада вельф.

Видема нормась 4 гектархт эрь сменати, а синь видендсть 7-нь гектархт. Нормас коря эрь сменати эряви инзамс 2 гектархт, а синь та работать пшкотькшнезь 4 гектарс. Синь сьавсть обязательства, штоба работамс нинге сяда цебарьста.

Маркин.

Ковылкинань район.

Обязательстваснон пшкотькшнесазь вельф

Мокшень Полянка велень „Красная Поляна“ колхозса колхозникне тундань видемать ушedomок, сявондсть эсь лангзост обязательстват, штоба лацкас йотафтомс тундань видема кампаниять и вельф пшкотькшнемс видема норматненъ.

Тя сьавф обязательстваснон колхозникне пшкотькшнезь.

Колхозникне: Рузайкин, Сенин, Богдашкин, Патапкин, Якушкин и лия ялгатне обязательстваснон пшкотькшнезь оцю показатель мархта. Нормас коря эряви сокамс 1,5 гектархт, а синь соксесть 2,5 гектархт.

М. Сенин.

Ельникова р-н.

НОРМАТНЕНЬ ПШКОДЬКШНЕСАЗЬ ВЕЛЬФ

Сире-Теризморга велеса—17 лет Октября“ колхозть 1-це бригадац видема кампанияста няфтсь кеподькс сембе бригадатненди, кода эряви работамс колхознай паксыса.

Лама колхозникт тя бригадаса, кода, Рыжев Яковсь, Раков Андрейсь и лиятне работаснон пшкотькшнезь нормада вельф.

Пионер.

Шайговань район.

„Тевсь моли“

Мзярда Ельниковста кие-кие сай Полянка вели и кизефтьсь ОСО-нь первичнай организациянь председатель Рузайкин ялгаты: „Кода Андрей Николаевич работась ОСО-нь организациясот моли?“ работась уполномоченнай ялгай „лаказы, лакай“. Аф кунара йотафтоме ОСО-нь пуромкс, обсуждали кизефкс тунданьвидемаса осовавиомоведчненъ задачаснон колга. Цьоратне пшай сембе корхтась пуромксса, што минь тунданьвидемаса ульхтыма ударниктонга урадникоккс.

— А кода обороннай работась? — Вдь тя работась нинге аф пшак лац моли, но курок развернем. Работась

„развертывается“, собрания йотафтьсь, а тевса тячемс мезневок Рузайкинць аф тиенди. Вдь пуромксс ульсь нинге тьялонда, эриволь ба пуромкста меле ни ладямс правический работась, а работась вастстонзонга нинге апак срхкафтт. Аф стрелковой, аф химический, — словом кодамовок кружокт военнай тевть тонафнемаса М. Полянка велеса апак пуроптт. А ОСО-нь районнай советсь верондай Рузайкинть васькафнеманцты и аф шарфни кодамовок мья Мокшень Полянка-каса ОСО-нь первичнай организациять работанц лангс.

Н.

Ельникова р-н.

Кукольной театрась велетненъ эса

Оцю популярностя пользуется Мордовский кукольной театрась зрительхненъ йоткса. Лама интереснай, увлекательнай постановкат сон путнесь республикань лама велетненъ эса, кода колхозникне и, особенна, ученикне оцю мьялса ваношь нят постановкатненъ. Вов например, май ковть 24-це шистонза кукольной театрась Сире-Те-

ризморга велеса путнезе Чеховть „Капитанка“ постановканц.

Тя постановкаты велеса ваношь сембе ученикне, и сон пшак заинтересовал синь. Постановкада меле зрительхне зняльдсть театрать администратиянцты, штоба сон сяда сиденяста сашендоль синь ширезост постановкань путнема.

М. Тарадаев.

Сире-Шайговань р-н.

Избачитальнясь аф работай

Од-Толку велеса, Рыбкинань районца избачекс работай комсомолец Борискин ялгасы. Сон йофси юкснесы культурно-массовой работать населенянь йоткса.

Избачитальнясь пшакстаф замокса. Тяся улихть гармошкат, балайкат и лият, но синь ащихть замок фтала и киндинге аф сашендовни эсост морамс.

Тяфта жа избачитальнясь улихть лама книгат, журналхт, газетат, а кие синь лувондсьне? Кивок аф, сяс мес Борискинць избачитальнять пшак шуроста панчесы.

Малаткшнихть РСФСР-нь и МАССР-нь Верховнай Советтненди кочкаматне, а Од-Толку веле-

са предвыборнай работась йофси юксневи. Беседат, занятия одломаттненъ и колхозникненъ йоткса аф йотафневихть, омба масторса эрь шинь событиятненъ колга газетат аф морафневихть.

Борискинонь работанц колга аф весть ни ульсь сьорматф „Комсомолонь вайгяль“ газетаса, но сон сембе сяка меське аф тиенди.

Рыбкинань РОНО-ти эряви курононь пингста варжакстомс Борискинть работанц лангс, и курононь пингста ладямс Од-Толку велеса массово-политический работать.

Водяков Е. А.

Рыбкинань район.



Юнай натуралистне „III-це империяса“ (Германияса). Монь мьялсон тя хлебнай шuftа, сонь эздонза вдь пидихть-панихть киши. (Рис. В. Лисевичъ (Прессклише).)

Испанияса фронттненъ эзга

Париж. Июнь 5-це шистонза, иляденъ газетатне пачфнихть куля, што „тячи шовдава 8 частста испанский мятежниконь 9 самолетт лиеднсть французский территориять вельксса восточнай Пиренея районца и Аръеж департаментъ вельксса, кода синь йордасть 10 бомбат, Акс-ле-Терм окрестностть эса. Оръеж веленянь маласа жертват ашельхть“.

Париж, июнь 6-це шистонза Гавас агенствась пачфни Французский правительствать официальной сообщениянц, кода азондови, што ульсь получафт сведеният испанский мятежникненъ самолетонь эскадрилиять налетонц колга. Французский территориять лангс восточнай Пиреней департаментонь и Аръеж районца, правительстванъ главась Даладьесь макссь распоряжения Французский авиацияти вишкотемс границатненъ охрaсанон. Авиациянь часттненъ командованиясонды максф приказ аф нолнемс французский территориянь самолетт, кодама ба национальностень синь афольхть уль.

Париж, июнь 6-це шистонза. Гавас агенствась подтверждает, што мекольденъ пингть территориять лангса, конани занязь испанский мятежникне и германо-итальянский интервенттне, ульсь лама серьезнай столкновеният итальянский, германский офицерхненъ и мятежникненъ йоткса. Сембод пшак крупнай столкновеният ульсь Малагаса и Сарагосса. Тевсь пачкодсь мянь сянди, што итальянский и испанский офицерхне тргatkшнихть фкя-фкянь мархта и ляцендихть фкя-фкянь лангс. Испанский лама офицерхт арестовандафт.

Агитбригадась колхозникненъ йоткса

Краснослободск ошень РОНО-сь и ДСК-сь организовадсть агитбригада.

Тя агитбригадась якай колхозга, паксянь статтненъ эса вятсь оцю массово-разъяснительнай работа, путнихть постановкат, выступает хоркружокс, морсихть морхт, тиендихть танцт, морсихть колхознай частушкат и ст. тов.

Тя цебарь работаснон инкса колхозникне сембе участникненъ пшак благодарили.

Тяни агитбригаданъ участникне, кода Чураев, Петрухов, Нуварев, Хорькин, Ермолаева, Ремникова, Спиридова, Бугкеева и лия ялгатне сьавсть эсь лангзост обязательства, штоба сяда лац ладямс колхозникненъ культурнай обслуживаниясон кочкама кампаниять пингста, а тяфта жа уборочнай кампаниять пингстонга.

Ф. Черепкин.

ДОЛГСНОН ПШКОДЕЗЬ

Атюрьевань районень трудящайхне пшак оцю энтузиазмаса вастфтезь очередной 12-це лотереять. Апрель ковть 10-це шинцты самс ОСО-нь райсоветсь реализовандазень лотереянь сембе билеттненъ, конатненъ лувкссна 5 тьожянь цалковайнь питне.

Тя реализацияса примасть участия районень сембе трудящайхне. Инициаторкс тя тевса ащесть ОСО-нь организациятне.

Инь цебарь участиять примазе Оброннай велень ОСО-нь первичнай организациясь. Сон реализовандась лотерейнай билетта сембоц 500 цалковайнь питне.

Дм. Родин.

Атюрьевань р-н.

Ответ. редакторть инкса

Н. АЛЕМАЕВ.